

LA USC DI LADINS - VENERDI' 28 FEBBRAIO 2020

AVISC

L Comun general chier volontadives

*Vegn domanà la
colaborazion de jent che
se mete a la leta per fèr
cognoscer TV Ladina,
l canal per ladin dedicà a
la neves de Fascia*

Te sèl bel tegnir sù tie lengaz, tia
identità e tia usanze e tradizions?
O fosc no este ladin ma te piajessa
te fèr ite te la comunanza a na vida



TV Ladina, l canal ladin dedicà a la neves de Fascia.

gustegola e lijiera? Emben t'ès proprio
la persona giusta e chest avis se ouc
proprio a ti.

L Comun General de Fascia
chier volontadives per fèr cognoscer
TV Ladina, l canal per ladin de la
televizion dedicà a la neves de Fascia.
Vegn chieri jent, joegn, de mesa età
o ence più gregn, che vae fora per
la val per dèr fora gadget, placac e
reclam per fèr promozion del canal
e de la trasmission che va fora sun
Youtube e endèna vegnarà fat video

e foti, e chi che tol pèrt arà l met de
se passèr de bie moments originèi
e da se goder rejonan ladin.

Duc i enteressé pel chiamèr ite i
Servijes linguistics e culturèi del
Comun general de Fascia al numer
de telefon 0462/764500, opzion 4.
La campagna pearà via ai 17 de
mèrz del 2020 da les 17.00 con na
scontrèda de endrez de duc i
volontadives te sala grana del Comun
general de Fascia a Sèn Jan.